



DISPVATIO  
DE  
ORNAMENTIS CODI-  
CVM VETERVM

QVAM  
IN INCLVTA ACADEMIA ALTORFINA  
PRAESIDE  
CHRISTIANO GOTL. SCHVVARZIO  
PROF. PVBL.

AD D. III APRIL. A. R. S. MDCCC XVI

PVBLICAE SOLEMNIQVE DISQVISATIONI  
EXPONIT

PHILIPPVS LVDOVICVS HVTH  
NORIMBERGENSIS.

---

LITERIS IOD. GVIL. KOHLESII ACAD. TYPOGRAPHI.

OTTO

RECEIVED  
JAN 10 1904

NOV 10 1903

RECEIVED  
JAN 10 1904

RECEIVED  
JAN 10 1904

RECEIVED  
JAN 10 1904

RECEIVED  
JAN 10 1904

RECEIVED  
JAN 10 1904


RECEIVED  
JAN 10 1904

RECEIVED  
JAN 10 1904

RECEIVED  
JAN 10 1904




cat. i.  
d. disp. de  
miam. codicum  
eterum.




f. i. ad p. 12. 18. 19.

ad p. 15. 17.


f. 3. ad p. 17. 18



f. 4 ad disp. sequ.



f. 566 ad p. 17. 18



ΔΙΟ ΚΚΟΥ  
ΠΙΔΗC.

f. 7. ad 8  
17. 18







# SVMMARIVM

## DISPVATIONIS NOVAE DE ORNAMENTIS LIBRORVM VETERVM, SPECIATIM DE CODICIBVS, SEV LIBRIS QUADRATIS.

- I Prooemium.
- II De nomine codicum.
- III De aliis nominibus librorum quadratorum.
- IIII De varia materia codicum, et speciatim de codicibus membranaceis.
- V De codicibus rarius usitatis, ac sigillatim de aereis et plumbeis libris.
- VI De eboreis, ligneis, ceratisque codicibus.
- VII De codicibus ex charta Aegyptiaca.
- VIII De codicibus ex charta corticea.
- VIII De codicibus ex charta bombycina.
- X De codicibus ex recentiori lineea charta.
- XI De codicibus, qui ex membranis et chartis simul permixtis compositi fuerunt.
- XII De codicum singulis tabulis, sive foliis, itemque de eorum paginis, harumque numerandarum ratione.
- XIII De duernionibus, teratyonibus, et quaternionibus, codicum.
- XIIII De ratione scribendi in codicibus: ubi et de columnis paginarum.
- XV De magnitudine codicum veterum, eorumque quadrata figura.
- XVI De construendorum compingendorumque veterum codicum ratione.
- XVII De externis tabellis et integumentis veterum codicum, eorumque vario ornatu.
- XVIII De lamellis, loris et offendicibus codicum.
- XVIII De frontibus et titulis codicum.
- XX De tempore, quo maxime in usu fuerint codices?
- XXI De libellis plicatilibus.





Omnes librorum tres potissimum veteribus  
vſitatas fuiſſe,prehendimus. Alij enim  
proprie dicebantur VOLVMINA; alij, CODI-  
CES; alij, LIBRI PPLICATILES. Voluminum  
rationem iam alibi, in *Altera Diſputatione de  
ornamentis librorum veterum*, expoſuimus;  
copioſeque oſtendimus, tum papyraceos,  
cum membranaceos libros, tunc velut in cylindri formam, et  
fere ad modum chartarum noſtrarum Geographicarum, conuo-  
lutos, ac, paginis ad paginas agglutinatis, in longam ſaepe ſe-  
riem extenſos fuiſſe; hiſque in extrema ora, umbilicum, ſeu  
paruum bacillum, ad meſuram latitudinis, qua liber praeciſus  
erat, plerumque addi conſueuiſſe, cuiusque bacilli capita, volu-  
mine conuoluto, ceu *cornua*, hinc et inde prominuiſſe. Cum  
iſtis vero Graecorum Romanorumque voluminibus quomodo  
IYDAEORVM VOLVMINA conuenerint, in *tertia Diſputatione* tra-  
didimus. Sequitur, vt de CODICIBVS, qui quadrata fuere for-  
ma, in *praefenti Diſputatione* potiffimum agamus.

II. Quemadmodum vero haud ambiguum eſt, vetuſtiſ-  
ſimos homines primum non niſi rudioribus et ſimplicibus tabu-  
lis vſos eſſe, in quibus aliquid perſcriberent; ita fieri facile po-  
tuit, vt deinceps iſtiusmodi tabulae, pro argumenti ratione,  
multiplicarentur, et vel pauciores, vel plures, inter ſeſa con-  
iungerentur, ac ſenſim magis magisque ornarentur. Quodſi  
paucioribus minoribusque *τετραδίοις*, ſeu *tabellis*, libri contine-  
bantur; audierunt CODICILLI et PVGILLARES; Graece, *πινυλίδες*,  
*δελτάδες*, *πινυλίδες*, *γεγραμμένα*, et ſic porro: quorum formam  
atque vſum ſuo tempore ex inſtituto deſcribemus. Sin plures,  
eaeque paullo maiores tabulae coniungerentur, vt maiora inde  
exiſterent corpora eiſdem formae, quae hodie noſtrorum libro-  
rum eſſe ſolet; CODICES praecipue dicebantur. Tabulae enim,

aliae

alias super alias structae compactaeque, vocabantur *codices*, ut  
 a voluminibus distinguereptur; qua ratione, praeter alios, sic lu-  
 culenter codices a voluminibus distinxit Vlpianus, loco paullo  
 post, n. IV, citando. *Codex* veteribus proprie est plurium tabellarum  
 contextus: quod testatur Seneca, ubi *L. de Breuitate vitae*,  
 c. XIII, ita scribit: *Plurium tabularum contextus CAUDEX apud  
 antiquos dicitur; unde publicae tabulae CODICES dicuntur: et  
 naves nunc quoque, quae ex antiqua consuetudine per Tiberim  
 commeatu subuehunt, caudicariae vocantur.* Eodem fere  
 modo hoc nomen explicat Isidorus Hispalensis, *Orig. L. VI, c. 13.*  
*Codex*, inquit, *multorum librorum est.* (Voluit quasi dicere:  
 codex multorum corticum, seu multarum tabellarum est.) *Et  
 dicitur codex, per translationem a corticibus arborum, seu vi-  
 tium, quasi caudex: quod in se multitudinem librorum, quasi  
 ramorum, contineat.* Et paullo post idem Isidorus scribit: *Liber  
 est interior tunica corticis, quae ligno cohaeret, in qua antiqui  
 scribebant.* Quam notionem ipse Cicero, *L. II de Natur. Deo-  
 rum*, voci *libri* subiicit: *Obducuntur, inquit, libro aut cortice  
 trunci, quo sint a frigidibus et caloribus tutiores.* Quamvis  
 vero deinceps a consuetudine codices ex cortice et ligno arbo-  
 rum conficiendi recessissent; vetus tamen appellatio maxime apud  
 scriptores aurei et argentei aevi remansit in iis maxime libris, qui  
 ex quacunque materia compositi quadrangulam formam refere-  
 bant. Alias constat, in Iure consultorum scholis, Iustinianeam con-  
 stitutionum Imperatoriarum librum vel *ἐξων* *Codicem* appellari.

III. Huiusmodi codicem, seu plurium tabellarum con-  
 textum, significantius appellavit Martialis *massam*, quae *tabella  
 multiplici structa est.* Libro enim XIV, *Epigr. CXCII*, scribit:

*Haec tibi multiplici quae structa est massa tabella,*

*Carmina Nasonis quinque decemque gerit.*

*Multiplicem pellam poetice codicem dixit idem Poeta, L. XIV,  
 Epigr. 184.*

*Ilias et Priami regis inimicus Ulysses,*

*Multiplici pariter condita pelle latent.*

Frequentius *membranarum* nomine a veteribus intelligebantur libri forma quadrangula constructi. Sic Iuuenalis, *Satyr. VII. v. 23*, in sequentibus verbis *codicem membranaceum* intellexit:

*Si qua aliunde putas rerum spectanda tuarum  
Praesidia, atque ideo croceae membranae tabellae  
Impletur; cetera,*

Hinc et in Lemmatibus Epigrammatum quorundam Martialis, *L. XIV. v. g. Ovidius in membranis; Homerus in membranis; Cicero et Livius in membranis*, accipiendi omnino sunt de membranaceis illorum scriptorum codicibus. Quod et animaduertit Salmassius, *L. de modo usurarum*, p. 409. Itaque existimem, *μεμβράνας* haud incommode posse exponi *codices membranaceos formae quadrangulae*, vbi Paullus, in *Epistola II ad Timotheum, c. III, v. 13*, iussit sibi afferri τὸν Φαλόνην, καὶ τὰ βιβλία, μάλιστα *μεμβράνας*. Equidem non nescio, alias, diuersasque, vel ex ipsis Patribus diuis, afferri huius loci interpretationes, ita, vt per Φαλόνην intelligant *pallium*, aut certe quoddam vestimenti genus; ac per *membranas*, Iudaeorum *הַתּוֹרָה* seu *volumen legis*; et denique per τὰ βιβλία aliud genus librorum: dum praeter alios Theodoretus ad istum Paulli locum de *membranis* ita scribit: *Μεμβράνας τὰ εἰλητὰ κέκληκεν ὅτι γὰρ ῥωμαῖοι καλοῦσι τὰ δερμάτω· ἐν εἰληταῖς δὲ ἔχον πάσαι τὰς θείας γραφάς. ὅτι δὲ καὶ μέχρι τῆ παρόντος ἔχουσιν οἱ Ἰουδαῖοι.* h. e. *Membranas vocauit volumina: Sic enim pelles appellabant Romani. Diuinas autem scripturas olim habebant in voluminibus; atque ita etiam in praesentem diem habent Iudaei.* vid. Suiceri *Thesaurus Eccles. P. II, p. 341*. Eandem Theodoreti interpretationem sequitur Oecumenius, additque, βιβλία vocari eos libros, qui fortasse fuerint ἐν ἐτέρῳ σχήματι, *alius formae, quam istae membranaceae*. At enimvero, quia non solum iam Chrysostomus animaduertit, alios per Φαλόνην (vel Φελόνην) ibi intelligere τὸ γλωσσόκομον, ἔνθα τὰ βιβλία ἔκειτο, *thecam, in qua libri erant repositi*; sed etiam Oecumenius indicat, alios per Φαλόνην intelligere εἰδὲ βιβλίου, *genus libri*; adhaec quia Hesychius, Suidas, et auctor

Etymo-

Etymologici magni, docent, Φαλόνην etiam dici εἰλητάριον μετα-  
 βιβλίον; ἢ γλασσίκευτον, ἢ χιτώνιον, *volumen membranarum, ca-*  
*psulam sive involucrium, vel tuniculam*: nescio, cur non satis  
 opportune per Φαλόνην hīc intelligere possimus *volumen quod-*  
*dam grandius, involucre suo circumdatum*; cui fortasse Iudaeo-  
 rum more lex diuina fuerit inscripta? Βιβλία vero exponerem  
 de voluminibus minoribus, iisque papyraceis, ad morem Graeco-  
 rum Romanorumque compositis; utpote cum, docente Salmasio,  
*L. de modo usur. p. 413*, Graecorum βιβλία, et Romanorum *Li-*  
*bri*, proprie et κατ' ἐξοχὴν huius generis chartacea volumina no-  
 tarint. Per μεμβράνας vero intelligerem *codices membranaceos*  
*quadratae formae*; in quibus non quidem ipsa lex diuina, more  
 Iudaeorum, fuerit perscripta; sed qui, ipso sic censente Theophy-  
 lacto, generatim ὠφελιμώτερά τινα περιέχον, alia quaedam uti-  
 lia continuerint. Cur enim non putemus, Paullum, dum iam  
 Roma ad Timotheum scriberet, Romanaque vteretur voce, huic  
 ipsi voci etiam notionem tunc Romanis familiarem subiecisse?  
 Deinde vero codices etiam σωμαδοχικάς dicebantur *tabulae*;  
 quia ex pluribus tabulis inter se coniunctis construebantur. Un-  
 de aliquoties Cicero, in eadem oratione pro Roscio, et alibi, di-  
 xit, *referre in codicem*, quod antea dixerat, *referre in tabulas*.  
 Haud aliter codices a *quaternionibus*, ex quibus constabant, aut  
 certe a forma quadrata, Graece dicebantur τετραδες. Ita Epipha-  
 nius, βιβλ. γ. κατὰ Ἀρέσιον, meminit alicuius Diaconi, qui sua  
 scripta ex *schediis*, in quibus extemporaneas meditationes pri-  
 mum scripsit, retulerit in *codices quadratos*. Ο τὴν μεταγρε-  
 φὴν, inquit, ἐπὶ τῶν ῥαδαρίων ἐκ τετρασὶ ποιησάμενος. Hinc  
 nos, discriminis significandi causa, codices hosce passim appella-  
 mus *libros quadratos*. Praeterea Salmasius, *l. c. p. 405*, tradit,  
 huiusmodi massas multiplicium membranarum Graecis proprie dici  
 consueuisse *σώματα*, i. e. *corpora*. Et certe omnino deprehen-  
 dimus, libros saepe σώματα, σωματια, et Latine *corpora*, appel-  
 lari. Apud Dionysium Longinum, *sect. IX, n. 4*, legitur σωμα-  
 τιον Ἰλίου. Sic et Hesychius Ἰλιάδην Ὀμήρου σωματίον, et  
 νεύμα-

utrumque Poema, Marius Victorinus, *de Arte Grammat.* *lib. corpuscula* vocauit. Cicero, *L. V. Epist. famil. ep. 21*: *A principio*, inquit, *coniurationis*, usque ad reditum nostrum videtur mihi modicum quoddam corpus confici posse. Etiam Lilius, *L. III, c. 34*, leges duodecim tabularum vocat *corpus iuris Romani iuris*. Quid vero nunc frequentius dicitur, quam *corpus iuris ciuilis*? Quamuis vero sic manifestum sit, libros appellari *codicibus* et *corpora*, haud tamen libens assenserim Salmatio, ita eos appellatos esse a forma, hocque nomen *codicibus* fuisse proprium. Potius crediderim, libros *corporis* nomen a multiplici argumento, et a plurium opusculorum in unum corpus coniunctione, primum inuenisse. Sic Plinius, *L. II, Epist. X*, suasisit, versus, qui sparsim in vulgus exierant, *in corpus retrahendos*, h. e. in vnum librum et *consuetudinem* colligendos. Et luculentius Suetonius, *c. VI. de Illust. Grammat.* hac de re loquitur. *Aurelius Opilius*, inquit, *composuit variae eruditionis aliquot volumina, ex quibus nouem unius corporis*. Interim tamen, cum codices, quorum tabellae ex utraque parte scribebantur, spissiora opera possent capere, quam volumina, quae non erant *πινδογέγραφα* hinc facile vsu venit, ut libri amplioris et multiplicis argumenti, qui *codicibus* et *corpora* dicebantur, frequentius in codicibus, postquam hi inuenti erant, quam in voluminibus, exararentur. Quod denique ad alia codicum nomina attinet, huc ea omnia pertinent, quibus et singulae tabulae olim appellabantur; utpote quarum nomina, per figuratam orationem, etiam deinde ad codices significandos sunt translata, ita, ut exempli causa et hi *δύοι, τρεῖς, τεσσαρτές, πέντε, ἑξήκοντες*, dicerentur. Cuiusmodi nomina ex parte iam explicauit Bernhardus de Montfaucon, *L. I Palaeograph. Graecae, c. IV.*

III. Quarumcunque vero materiarum tabulae scribendi causa ita coniungi poterant, ut aliae super alias struerentur, et fibros dederunt, qui *codices* appellarentur. Hinc enim non tantum *codices lignei*, sed etiam *eborei, plumbi, membranei, et chartacei*, alique, apud scriptores leguntur. Quemadmodum enim ex quauis materia, quae volui in cylindrum et scribi poterat,

rat, volumina tunc conficiebantur; ita etiam, de quacunque materia plures tabulae ad scribendum idoneae concinnari contextique poterant, ex ea materia libri, qui *codices* proprie dicuntur, compingebantur. Vtriusque formae opera, generali nomine dicebantur *libri*, uti *Disp. II, n. 2 et 3*, ostendimus. Hinc Vlpianus, *L. § 2 n. de Legatis III.* ait: *LIBRORVM appellatione continentur omnia VOLVMINA, siue in charta, siue in membrana sint, siue in quauis alia materia: sed et si in philyra, aut in tilia, ut non nulli conficiunt, aut in alio corio; idem erit dicendum.* Quod si in CODICIBVS sint MEMBRANEIS, vel CHARTACEIS, vel etiam EBOREIS, vel ALTERIVS MATERIAE, vel in CERATIS CODICILLIS; an debeantur, videamus? Passim videmus, huiusmodi antiquitatis monimenta a Scriptoribus annotari. At omnium frequentissime codices olim ex *membranis*, siue *pergamenis*, compositos esse patet; vbi quidem membranarum apte praeparandarum vsus innotuerat. Hinc merito, vel ob frequentiorems usum, Vlpianus primo loco in codicibus posuit *membraneos*. Huius generis codicem Martialis, vti diximus, *L. XIII Epigr. CLXXXIII*, vocauit *multiplicem pellem*; ob tabellas plures, seu *folia*, in quae membrana ex pelle parata paginatim plicabatur, atque consuebatur. Praeter alia loca, huc etiam referre possumus eiusdem Poetae Epigramma in *Virgilium in membrana*, quod extat *L. XIV, n. CLXXXVI*:

*Quam brevis immensum cepit membrana Maronem?*

*Ipsius vultum prima tabella gerit.*

Intelligimus hinc, membraneos istos libros distinctas habuisse tabellas, siue *folia*, haud secus ac nostri libri, easque tabellas ex ordine suo numeratas esse. Ceterum, hoc loco non ea repetimus, quae in *I et III Disp.* de discrimine corii et membranae, item de tenuibus, de candidis, de luteis, purpureisque membranis, iam annotauimus. Neque nunc de vetustate membranaceorum codicum, horumque durabili vsu, disquirimus. Mabillonius, hac de re agens, *c. III. Supplem. de re diplom.* prouocauit ad Virgilium Bibliothecae Vaticanae, qui in membranaceo codice scriptus



videatur saeculum a Christo nato quantum antecessisse; idem commemoravit alium codicem Regiae Bibliothecae, paullo inferioris aetatis; neque non eiusdem Bibliothecae Prudentium, qui ad parem aetatem accedat. Silentio praeterimus quamplurimos alios codices membranaceos, quos iam saeculo sexto et septimo post Christum natum scriptos adhuc in celebrioribus Bibliothecis superesse constat.

V. Sed libet etiam non nihil de codicibus extraordinariis, aut rarius visitatis, dicere. Si singulae tabulae, in quibus olim aliquando res consignarunt, multiplicari et coniungi potuerunt; mirum non est, etiam ex pretiosiori materia integros libros, adroque, tum ad magnificentiam, tum ad perennitatem, exempli causa, *aureos, argenteos, aereosque codices*, confici potuisse, sic ubi plures huius generis tabulae, in quibus identidem res consignatas fuisse legimus, coniungerentur. *Aerei codicis* indicium quoddam suppeditat nobis Gruterus, in *Syntagmate Inscriptio- num*, p. CIOXXXII, n. 6, ubi refert, fuisse Patauii, inter Pinelliana cimelia, lamellas aereas duas, vtrunque scalptas, caractere quadrato informi; ex foraminum indicio licuisse suspicari, plures paginas fuisse in libri morem compactas. Sertorius Vrfatus, in *monumentis Patauinis*, p. 329, earundem tabellarum Pinellianarum mentionem facit, easque putat fuisse ex iis libris, qui apud librarios in legionibus habebantur; sed et illas *aureas* fuisse scribit, incertum, an memoria lapsus? Neque liquet, vtrum *duodecim tabulae aeneae* legum Romanarum, de quibus aliunde constat, more codicis cuiusdam compactae, et in publico propositae fuerint; an singulae seorsum rostris affixae pependerit? Priorem sententiam quodammodo sustinere videantur haec Ciceronis verba, de *Oratore* L. I, c. 44: *Bibliothecas omnium Philosophorum unus videtur XII tabularum libellus ubertate superare.* Quod ad *plumbum* attinet, non repeto, quae diuiniore litteris produntur. Etiam Pausanias, L. IX, c. 31, haec de Boeotis, qui circa Heliconem domicilia habuerunt, refert: *Καὶ μοι μέλιθρον ἰδόνκυσαν, ἔνθα ἡ πῆγη, τὰ πολλαῖα ὑπὸ τῷ χρόνῳ λελυμασμένα.*

γέγραπται γὰρ ἀπὸ τὰ ἔργα. h. e. *Monstrarunt mihi et plum-*  
*bum iuxta fontem, in quo scripta erant Hesiodi opera, magna*  
*ex parte vetustate vitata.* Etiam Suidas memorat eis ἐλασμοῖς  
 μολυβδῶν γεγραμμένας, eos, qui plumbi laminis inscripserunt.  
 Haud ambiguum est, istiusmodi plumbeas laminas in codicis for-  
 mam aliquando fuisse compactas. CODICES PLUMBEOS sub terra  
 inuentos in sepulcris Neapoli, et vnum sibi monstrasse Hadria-  
 num Guilielmum, narrat Georgius Fabricius, in *Antiquit. Rom.*  
 et ex eo Guil. Nicols, *L. I de literis inuentis*, p. 21. Bernar-  
 dus de Montfaucon inter codices saeculi III, *L. II, cap. 8, p. 181*,  
 huiusmodi vetustum quoddam monimentum describit, eiusdem-  
 que ibi figuram exhibet. *Dum Romae agerem, inquit, incidi in*  
*librum plumbeum, insculptum literis et figuris Basilidianorum;*  
*emtumque obtuli Seren. Principi Cardinali de Bouillion; ita ta-*  
*men, ut depicta omnia penes me remanerent. Est is libellus lon-*  
*gitudine quatuor circiter pollicum; latitudine duorum et dimi-*  
*dii; operculis vero duobus plumbeis totus compingitur; sex fo-*  
*lia item plumbea sunt, ab utraque facie incisa literis, aut figu-*  
*ris: duae partes operculi assumento plumbeo, clauis item plum-*  
*beis asserto et firmato, iunguntur. Virgula plumbea foliis a tergo*  
*per annulum plumbeum ipsis haerentem inserta, ipsa folia reti-*  
*net, ne dimoueantur. Denique omnia plumbum. In singulis pa-*  
*ginis Basilidianorum figurae comparent. In quatuor primis tan-*  
*tum verba quaedam sub figuris posita incisa sunt. Prima et*  
*secunda pagella Hetruscis literis exaratur; tertia et quarta,*  
*Graecis. Ex utrisque tamen, tam Hetruscis, quam Graecis,*  
*tantundem notitiae expisceris, adeo sunt obscura omnia et te-*  
*nebris oppleta.* Similem fere libellum, septem laminis plumbeis  
 constantem, ac in sarcophago aliquo inuentum, literisque et si-  
 gnis ignotis insculptum, exhibet, *Tab. LX, Museum Kircherianum,*  
 ante hos sex annos a Philippo Bonanni auctius editum.

VI. Vlpianus, loco citato meminit etiam CODICVM  
 EBOREORVM. Taceo in praesens pugillares eboreos, quorum  
 crebrior adhuc in scriptis veterum occurrit mentio. Quis vero



dubitet, ex ebore sectili ad splendorem potuisse etiam maiores codices parari; quanquam istiusmodi antiquitatis reliquias adhuc rarissime reperiri existimamus. Vtrum vero LIBRI ELEPHANTINI, in quibus diu Senatus Consulta, quae ad Principes pertinerunt, scribi solita esse, refert Flau. Vopiscus, in *vita Taciti, cap. VIII*, etiam constiterint ex eboreis tabellis; an forte ex *omnibus elephantinis*, in quibus itidem scribi consueuisse ait Isidorus, *orig. L. VI, c. 12*; id quidem non satis liquet. Aliquando tamen *elephantinum* idem dici, quod *eboreum*, viri eruditi iam dudum obseruarunt. Cum vero Iosephus Scaliger opinatus fuerit, ebur ineptam materiam scribendo fuisse, neque credibile esse, veteres in ebore scripsisse; recte haec eius sententia confutata atque correcta est a Salmasio, in *comment. ad Vopiscum, l. c.* Quid enim clarius illo Martialis epigrammate in *Apophoretis, n. V*, cuius lemma: *Eborei pugillares*:

*Languida ne tristes obscurent lumina cerae;*

*Nigra tibi nuncum littera pingat ebur.*

Ex quo disticho simul conicere licet, etiam candidum ebur atramento perscribi consueuisse. Quo facit et illud, quod apud Plautum, in *Mostellaria, Act. I, sc. 3, v. 102*, legimus. Ibi enim Iena puellae naturali forma praeditae, tamen cerussam ad oblinendas malas postulanti; *Vna, inquit, opera ebur atramento candefacere postules.* Eboreis codicibus sine dubio antiquiores fuere CODICES LIGNEI. Si enim, quod alio tempore ostendimus, rudior aetas, ante chartae et membranarum usum, in dolatis ex ligno codicillis iam literas scripsit; quid mirum, eam et plures huiusmodi tabellas in codicis formam coniungere atque compingere coepisse? Quid enim facilius; quam singulis, binis, aut ternis tabulis, pro rei usu, addidisse plures? Neque ab hoc modo codicum ex ligneis tabellis conficiendorum prorsus recesserunt, ubi iam aliae materiae suppetebant. Si vera sunt, quae Hermannus Hugo, in *libro de prima origine scribendi, p. 92*, ex Roderici Sanctii tertia Parte Historiae Hispanicae refert, ex huiusmodi ligneis assulis, seu tabellis, liber Hebraicis et Latinis characteribus scriptus prope

prope Toletum inuentus est, temporibus Regis cuiusdam Hispaniae, Ferdinandi. Et Baronius, in *Martyrologio Romano*, ad A. 485, codicem Euangelii diui Matthaei in huiusmodi ligneis schedulis perscripti inuentum dicit in monumento diui Barnabae; *libris* huius tabellas *thyinis lignis* fuisse compositas. *Thya* vero est arbor quaedam odorifera. At, ob faciliorem commodioremque scribendi usum, tabellae huiusmodi lignae deinceps cera obducebantur. Nam, etsi et aliae materiae ad scribendum aptae, aliquando cera illinerentur; certum tamen est, frequentissime tabellas ligneas cera obduci vulgo consueuisse. Hinc Ouidius, *L. I Amor. Eleg. 12*, canit:

*Ite hinc difficiles, funebria ligna, tabellae;*

*Tuque negaturis cera referta notis.*

Et A. Gellius, *Noct. Atticar. L. XVII, c. 9*, scribit: *Legebamus id quoque in vetere historiam rerum Punicarum, virum indidem quempiam illustrem epistolam scriptam super rebus arcanis hoc modo abscondisse: pugillaria noua, nondum etiam cera illita accepisse; literas in lignum incidisse; postea tabulas, uti solitum est, cera conleuisse: easque tabulas tanquam non scriptas, cui futurum id praedixerat, misisse; eum deinde ceram derassisse, literasque incolumes ligno incisas legisse.* Neque vero codicilli tantum pugillaresque exigui, sed et CODICES, hoc est, maioris formae libri, CERATI parabantur. Erant, exempli causa, apud veteres *tabulae accepti et expensi*. Sic dicebatur *codex e tabulis ceratis* compositus, in quem veteres ex aduersariis suis ordine et accurate referebant, quaecunque aut acceperant, aut expenderant. Ita ipse Cicero, in oratione pro *Q. Roscio*, statim sub initium, CODICEM *accepti et expensi* vocat, quas *tabellas accepti et expensi* modo dixerat. Et in *VI Orat. in Verrem* ait, Verrem in extrema *cera codicis* huiusmodi, nomen infimum in flagitiosa litura fecisse. Huius generis tabellae vocantur aliquando *grandis codex*, apud Iuvenalem, *Satyr. VII, v. 110*. Imo huc et illud spectat, quod apud Martialem, *L. VIII, Epigr. 44*, legimus:

*Centum explicentur paginae Calendarum.*

Hinc et a Seneca, *Epist. LXXXVII*, *magnus Calendarii liber* vocatur, in quo nempe perscribebantur vsurae, in Calendas singulas petendae et exsoluendae. Ostendit Quintilianus, ceratorum Codicum tabulas aliquando fuisse perquam latas; hinc, inter alia, eloquentiae cultori ita praecepit, *L. X Instit. Orat. c. 3*: *Ne latas quidem ultra modum esse ceras velim, expertus, Iuuenem studiosum alioqui praelongos habuisse sermones; quia illos numero versusum* [quos nostri *lineas* hodie vocant] *metiebatur: idque vitium, quod frequenti admonitione corrigi non potuerat, mutatis codicibus esse sublatum.* Imo idem Quintilianos paullo ante indicarat, veteres celerius in cera, quam in membranis, scribere potuisse: *Illa quoque minora, inquit, non sunt transeunda: scribi optime in ceris, in quibus facillima est ratio delendi; nisi forte visus infirmior membranarum potius usum exiget: quae ut iuuant, aciem, ita crebra relatione, quoad intinguntur calami, morantur manum, et cogitationis impetum frangunt. Relinquendae autem in utrolibet genere tabellae, in quibus libera adiiciendi sit excursio.* Alioquin et ex membranis obductis aliquando tabulas deletitias et Palimpsestos paratos fuisse, iam aliunde constat. Et huc pertinet, quod Doctissimus Hemsterhuisius, in *notis Iul. ad Pollucis Onomasticum*, obseruauit, Cyprios quondam pelles obleuisse cera, in eaque litteras exarasse: sic saltem in illorum ludis fuisse receptum. Ludi magistrum enim, teste Hesychio, ab iis *διφθεγάλοιφον* appellatum esse, non alia de causa, quam quod illam scribendi consuetudinem usurparint: imo huc ex eodem Grammatico referendum, quod stilus a Cypriis vocatus sit *ἀλειπήριον*, *ὅτι τὸ ἀλείφειν*, vel *ἀλείπειν*, quia in obducta pellibus cera literas effingeret. Conf. Martialis, *L. XIV, Epigr. 7*.

VII. Deuenimus ad CODICES CHARTACEOS, quos itidem commemorauit Vlpianus. Vbi quidem CODICES PAPYRACEOS primario intelligi putamus; sed nunc chartae nomen haud incommode etiam ad CODICES CORTICEOS, et ad CODICES BOMBYCINOS, referri potest. Quomodo char-

ta e papyro Aegyptiaca quondam fuerit confecta , iam in *II Disput. n. IV*, exposuimus. Ex huiusmodi charta libros volubiles, siue *volumina*, parari consueuisse, satis certum est : de libris quadratis, siue *codicibus* videatur dubitari posse ? Cassiodorus enim, *L. XI, c. 38*, hanc Aegyptiacam chartam ita describit, vt doceat, *illam in se reuolutam colligi*. Hinc et Isaacus Vossius, in *Commentar. ad Catullum, p. 3* : *Quadrati libri*, inquit, *non fiebant e papyro, sed e multis membranis, utrinque scripturam admittentibus*. Adhaec etiam Leo Allatius, in *Animaduers. ad monumenta Etrusca, n. LXIII*, scribit : *Papyrus neque notas typis conceptas aduersa parte reddit ; neque plicatur in plagulas, vt Sinensium charta ; sed in volumen conuoluitur*. Ac certe ipsi fatemur, forte longe frequentius ex Aegyptiaca papyro, volumina, quam codices, concinnari consueuisse ; propterea quod illa charta, facile et fere in immensum extendi conuoluique poterat ; et quia non omnis illa charta in facie auersa bene ferebat scripturam : cum tamen alioqui codices fere semper essent *ἑπιδόρυγατοι*, quorum paginae ex vtraque facie perscriberentur. Nihilominus tamen, si voluerunt veteres ex huiusmodi charta etiam parare codices, fieri et illud potuit ; quamuis non ubique adeo commode, vti in aliis materiis, quae in tabellas secari, et ex vtraque parte literarum monumenta capere potuere. Neque praeterea omnis illa charta, densior imprimis, plane inepta erat, quo minus ex aduersa pariter et auersa parte aliquando scriberetur. Videantur ea, quae in altera disputatione, *n. XIII*, iam de *Opisthographis* congeessimus. Atque adeo huc referre licebit, quod Vlpianus dixit, libros etiam esse in *codicibus chartaceis*. Huiusmodi vetusta monumenta, quae adhuc supersunt, commemorat Mabillonius, *c. III Supplem. de re diplom.* dummodo ne chartam papyraceam cum corticea identidem confuderit. *Non desunt*, inquit, *antiquissimi libri, quibus chartae Aegyptiacae, vt ita dicam, durabilitas adstruatur*. Et ne longius exempla petam, exstat in Bibliotheca regia veterrimus codex in philyra scriptus, Auiti, Episcopi

Vicini

*Rhemensis, homilias continens. Vidimus et alios duos eiusdem materiae codices, ex Bibliotheca Pataviana et Phimartonianna, quosdam S. Augusti Sermones continentes, qui ambo annos centum supra mille peritorum iudicio attingunt. Eiusdem generis est insignis ac vetustissimus codex Ambrosianae Bibliothecae, mutilis quidem, sed multis chartae Aegyptiacae foliis constans, quae quasdam particulas Iudaicae Iosephi historiae continent. Eiusdem chartae papyraceae genere constare librum Euangeliorum D. Marci, Venetiis; sed eum tum vetustate, tum situ et humidis sedibus, pene totum deformatum esse, refert Bernardus de Montfaucon, in *Diario Italico*, p. 55. Mihi huiusmodi Aegyptiacae chartae quaedam fragmenta suspicere licuit, quae inter plurima alia rarissimae antiquitatis cimelia, apud Illustres EBNEROS AB ESCHENBACH, Grauiissimos S. R. I. Liberae Reipublicae Norimbergensis Senatores, extant. Ceterum, rarissime hodie integros veterum codices ex papyro Aegyptiaca compositos inveniri, mirum non est, cum iam Eustathii tempore, qui circa annum a Christo nato cLOCLX floruit, ars conficiendae istius papyri in desuetudinem venisse videatur; quod viri eruditi ex eius *παρεβολαῖς* ad Homeri Odysseam  $\phi$  iam obseruarunt. Atque hinc et Mabillonius, *L. I, cap. 8, de Re Diplom.* docet, papyraceae huius chartae vsum etiam in diplomatibus tantum peruenisse ad saeculum vsque vndecimum apud Europaeos; adhuc vero perseverare in America, et forsan etiam in non nullis orientis partibus.*

VIII. Hac occasione disquiri potest, an veteres etiam habuerint CODICES CORTICEOS, et quanam fuerit *charta corticea*? Non loquor iam de exteriori aut duriori cortice arborum, cui veteres etiam iam ante inventum membranarum papyrique Aegyptiacae vsum inscripserunt; cuiusmodi corticis rudioris vsus quando desierit, hominum memoriam fugit, nullis fere, aut certe paucissimis, eius scripturae reliquiis conseruatis. Sed loquor de alia charta corticea, ab iis forte inuenta, qui in aliis regionibus, vbi papyrus non nascebatur, Aegyptios in charta paranda sunt imitati. Quantum enim ex istiusmodi antiqui-

tatis

catis reliquiis, quas mihi oculis meis diligentius intueri datum fuit, conicere possum, eodem prorsus modo, atque artificio, quo Aegyptiaca charta olim parata fuit, etiam chartam istam corticeam confectam esse, crediderim; quamvis ex diuersa materia. Charta enim Aegyptiaca parabatur, et quasi contexebatur, ex caule fruticis Aegyptiaci, qui *biblos*, aut *papyrus*, dicebatur, ac plurimum nascebatur in palustribus Aegypti, aut quiescentibus Nili aquis. Ipsum artificio conficiendae istius chartae papyraceae iam alibi copiosius exposuimus. At enimvero *chartam corticeam* ex arboribus certis et ad eam rem idoneis, iisque fortasse non unius generis, praepararunt. Et quid ni credamus, saepius usurpatam fuisse *Philura*, quae Suidae ita describitur: *Φίλυρα εἶδος δένδρου ἔχον φλοιὸν βύβλω παπύρου ὅμοιον*; h. e. *Philyra est arboris species, quae librum (corticem) habet, byblopapyri similem*. Flexibilis enim est Philyra; quia, auctore Theophrasto, *L. I de Plantis, γλαχρὸν ὑγρότητι*, viscosam humiditatem, habet. - Cui et Latinorum vox *tilia* respondet; quamvis haud nesciam, istarum vocum notiones aliquando etiam a se inuicem distingui. Ex huiusmodi itaque philyra, vel eius generis alia arbore, tenuiores membranulas, sed eas latissimas, quae inter lignum et extimum corticem latitarunt, veteres illi instrumento quodam subtili separarunt, et ex duobus philyrinis corticibus ita singulas paginas compegerunt, ut vnum corticem cum alio transuersim conglutinauerunt; quale quid Mabillonius obseruari ostendit in Codice, quasdam Augustini epistolas sermonesque complectente, qui ab illustr. Domina de Phimarcone asseruetur. Aliquando autem non tam latas philyras, quae singulae *folium* quoddam constituerent, ex arborum corticibus separarunt; sed plures omnino pelliculas inde disciderunt; quas vero, opinor, prorsus ad modum papyri Aegyptiacae conficiendae, in tabula aliqua disposuerunt, atque glutine certo conglutinarunt, ita quidem, ut primo ex recta fibrarum tiliacearum serie velut stamen quoddam chartae constitueretur, et deinde, aliis fibris philyrinis transuersa serie et decussatim iniectis, velut subtemen stamini imponeretur.

neretur : ille vero contextus , ob rectas transuersasque fibras philyrinas sibi mutuo superincumbentes , veluti cratis figuram haberet. Atque adeo Aegyptiaca pariter ac corticea charta in hoc a tela fuit diuersa , quod in tela fila implicentur , et mutuo nexu , veluti nodo , constringantur ; in charta vero vtrius stamen super subtemen extenderetur : philyris enim rectis philyrae superimponerentur transuersae , prout de charta Aegyptiaca , Salmassius , in *notis ad Vopiscum* , et Leo Allatius , in *Animaduers. ad Monim. Hetrusc. n. LXVI* , iam animaduenerunt. Et cur non existimemus , ipsas illas plures fibras Philyrae sic in tabula dispositas , ad instar papyri Aegyptiacae , etiam praelis compressas , sole siccatas , malleo tenuatas , et iterum glutino obductas , iterumque constrictas plagulas erugatas , malleoque extensas , fuisse ? Fateor equidem , quae iam de chartae corticeae conficiendae modo tradidi , me non meminisse ab aliis ex instituto obseruata vsquam legere. Imo Mabillonius , alioquin harum rerum perquam curiosus , de *re Diplom. L. I, c. 8* , agnouit quidem aliquod discrimen inter Aegyptiacam et corticeam chartam ; sed illam chartam Aegyptiacam modo longe operosiori prae hac confectam fuisse putauit. Taceo alios quosdam recentiores Scriptores , quibus plerumque persuasum est , omnes codices corticeos non nisi ex subtilioribus quibusdam tabulis ligneis constitisse , nec a vetustissimo crassioris corticis vsu , nisi subtilitate , diuersos fuisse. Interim tamen postquam mihi contigit , quasdam huiusmodi antiquitatis reliquias accuratius contemplari , quarum structuram atque conditionem cum quibusdam veterum scriptorum locis contuli ; haec ipsa sententia , quam modo exposui , longe verisimilior mihi visa est , credoque , ex reuirescentium aptarum arborum libris adhuc illo , quem dixi , modo chartam quandam corticeam illi vetustae non prorsus dissimilem parari posse , dummodo et idoneum glutini genus , atque illi , quod Plinius indicat , haud adeo dispar adhibeatur. Hanc ipsam chartam innuit Pancirollus , in *Thesauro Variarum Lectionum* , *L. I, c. 28* , qui haec commemorat : *Longobardiennes tilias e tabula abrasas , glutineque compactas* ,



*tas, pro charta habuerunt: quarum paginae quaedam vetustis-*  
*fimae eorum characteribus scriptae apud me extant.* Fortasse  
 eiusdem generis chartam intellexit Angelus Roccha, in *Biblioth.*  
*Vaticanae.* p. 379, qui, ubi de charta Aegyptiaca egerat, haec sub-  
 iicit: *Huius generis materiam, siue praetenuis cortices arborum*  
*scriptas, artificio tamen quodam, opinor, praeparatas ad cha-*  
*acteres suscipiendos ac retinendos, non semel vidi in Bibliotheca*  
*Vaticana.* Vidi etiam aliam corticem scriptam, sed rudio-  
 rem, atque ita, ut arboris cortex esse omnino dignoscatur: quam  
 Aldus Manutius penes se diligenter asseruat. Neque dubito,  
 quin huc etiam pertineat illud chartae genus, quod Olaus VVor-  
 mius in *Museo suo*, seu *Historia rerum rariorum*, p. 385, his  
 verbis descripsit: *Aliam a charta Aegyptiaca verae Papyri spe-*  
*ciem ex arundine, ut putatur, confectam, Lugduno Batauo-*  
*rum ad me transmisit filius, VVilhelmus VVorm.* Folium lon-  
 gum est pollices septem, latum quatuor, colore non plane candi-  
 do, sed ad flauum inclinante, crassiusculum, et nescio quo gla-  
 tine obductum; ubi enim charta complicatur, rimulas contra-  
 hit leuiusculas. Quae descriptio apprime conuenit in peruetu-  
 stum huius rei monimentum, quod beneuole mecum communica-  
 runt Generosissimi SCHEVRLII DE DEFERSDORF, quibus  
 ideo grati animi studium lubens meritoque profiteor. Est vero  
 hoc magnae vetustatis fragmentum, pagina quaedam septem fere  
 digitos, siue duodecimas partes Pedis, adhuc alta; paullulum vl-  
 tra pedem Norimbergensem longa, ceterum ex omni parte man-  
 ca; cui, per modum *literarum*, uti hodie vocantur, *patentium*,  
 ex vna tantum facie codicilli Latine inscripti fuerunt; in quibus cen-  
 tum solidos pauperibus et in laminas Ecclesiarum legatos esse legi-  
 mus: cuius scripturae veteris Italo-Gothicae, ante mille et plures  
 annos usitatae, residuos characteres alio tempore exhibituri sumus.  
 Haec ipsa charta, haud secus ac VVormiana, est crassiuscula, co-  
 lore fere flauo et obsolescente, et nescio quo glutine obducta;  
 ex temporis iuiuria hinc inde iam laesa, et disrumpi ac in pelli-  
 culas solui coepta, ita, ut facili opera in stamen suum et subte-



men, ex quibus composita est, h. e. in duas potissimum partes, alteram aduersam literis signatam, alteram auersam literis vacuam, dissolui posse videatur. Istorum vero corticum fibras, ope glutinosae cuiusdam materiae compositas, non tantum quasi singulas contemplari licet; sed vbi etiam ex vetustate iam dissolvitur charta; in ea superficie, quae scripturam refert, striae istae atque fibrae dissoluuntur secundum altitudinem; in altera vero superficie, quae vacua est literis, fibrae secundum longitudinem dissoluuntur. Ex his, opinor, quomocunque intelligi potest, quatenam fuerit charta corticea; cuiusmodi chartae reliquias, quamuis identidem scriptores quidam commemorent, haud tamen adhuc deprehendi, qui eius chartae conditionem satis luculenter describerent; saepius vero obseruo, qui corticeam chartam cum Aegyptiaca confundant. In huiusmodi cortice videntur etiam exarata fuisse tria illa fragmenta vel sacri codicis, vel alterius alicuius materiae Theologicae, quae Nesselius, in *P. V. Catalogi Biblioth. Caesar. MSCtorum*, p. 105, exhibet. Alia quaedam exempla affert Montfauconius, in *Palaeogr. Gr. L. I, c. 2*, et nominatim commemorat Codicem corticeum San-Germanensem, vbi chartae quidem residuae visuntur; verum literae, auulsa illa priori superficie et pellicula, pariter de medio sunt sublatae. Fatetur autem ipse Montfauconius, non ita facile semper esse huiusmodi chartas internoscere, ac designare, quae papyrea, quae corticea sit. Id quod haud inuiti largimur: nam, etsi papyracea et corticea charta ex diuersis plane materiis constarent; eodem tamen modo atque artificio vtraeque aliquandiu praeparabantur. Iam vero facile fieri potest, vt temporum vetustas habitum coloremque rerum quodammodo commutet, et plurimis materiis, nescio quam communem obsolescentis naturae notam inducat, vnde postea paullo difficilius dignosci queant. Hinc et Mabillonius, *L. I, c. 8, de re Diplom.* iam animaduertit, plerosque recentiorum corticem confundere cum Papyro Aegyptiaca; in ea classe esse Brissonium, Dubletum, Chiffletium, Brolium, et alios bene multos, At et ipse Mabillonius, quamuis ostendat, vtrumque genus chartae

tae ex diuersa materia confectum fuisse ; corticeam chartam ex ligni membrana tenuiori ; papyraceam ex pelliculis herbae Aegyptiacae : attamen ipse in sequentibus saepius de iisdem codicibus corticis et papyri nomen promiscue adhibet , et lectorem quodammodo dubium facit ; neque signa quaedam externi habitus monstrat , vnde vtriusque chartae discrimen diiudicari possit ; multo minus tum Mabillonius , tum Montsfaucius , aliquid de ratione et modo conficiendae chartae corticeae afferunt ; nisi quod Mabillonius existimet , sed praeter verisimilitudinem , chartam papyraceam ex frutice Aegyptiaco modo longe operosiori , quam corticeam ex ligno , confectam fuisse . Plura omnino tum de antiquae chartae corticeae vsu , tum de eius et Aegyptiacae chartae discrimine , afferre poteramus ; sed ea alii occasione referuare visum est .

VIII. Sequitur , vt non nihil de CODICIBVS BOMBYCINIS dicamus . Hi erant illi codices , quorum charta fere ad instar nostrae chartae recentioris , confecta est ex gossypio ; et apud medijs aevi scriptores dicebatur aliquando charta *cottuneae* , vel *cuttunea* , item *bombycea* , seu *bambacina* , et corrupte , in aliquo codice MSCto Graeco , ( apud Lambecium , *T. V. Biblioth. Vindob.* ) *βιβάνις* . De huius chartae genere satis diligenter egit Montsfaucius in Palaeographia Graeca , *L. I, c. II, p. 17, sq.* vbi luculenter comprobauit , eam chartam ab annis hinc sexcentis in vsu vulgari fuisse . Imo , sibi non deesse alia argumenta et indicia ait , quae ipsam antiquiorem suadeant , indidentque , iam decimo a Christo nato saeculo in charta bombycina scriptum esse ; praecipue vero , postquam Aegyptia et corticea charta sensim exoleuerint , decimo tertio et sequentibus saeculis , vsum scribendi in charta bombycina obtinuisse . Haud satis distinguere videtur Montsfaucius chartam hanc bombycinam a recentiori nostra charta ; cuius vtriusque discrimen iam euidentius docuit Leo Alatiarius , in *Animaduers. ad monumenta Etrusc. n. LXXII. Chartam antebac* , inquit , *in Italia et Graecia confecere ex tela bombycina , et bombyce ipsa ; ideoque eorum chartae , antiquiores videlicet ,*

*crassiores, minus asperae et durae, quam quae ex lino sunt, conspiciuntur, et cum dulciores sint, sunt etiam blattis et tincis obnoxiores; nec memini, me in infinita pene copia librorum, nisi in recentissimis, chartam ex linteis, sed semper ex bombycinis, offendisse, qui usus adhuc perdurat in Graecia.* Non opus esse puto, ut exemplis, quae passim adhuc obuia sunt, comprobem; ex bombycina charta etiam libros quadratos compositos fuisse; memini tamen, me in Paullina Bibliotheca inclutae Academiae Lipsiensis, praeter alios libros, Homeri, itemque Pindari carmina, a Scholiastis nondum editis illustrata, et in huius generis chartis olim descripta, haud semel euoluisset, contemplatumque esse.

X. De codicibus, ex nostra charta, quae recentior est, compositis, non est, quod hoc loco multa commemoremus, cum vetustiorum potius codicum rationem nunc habeamus. Interim, quamuis haud constet, quo potissimum tempore, et a quo homine, primum inuenta sit haec nostra charta, quae ex contritis ac maceratis veterum linteorum reliquiis conficitur; id tamen satis euidenter Allatius, Mabillonius, alique, demonstrarunt, nullos facile codices ex hac ipsa charta compactos ad aetatem sexcentorum annorum pertinere. Vetustissimum de hac charta testimonium Hadrianus Valesius, *in notis ad Panegyricum Berengarii Augusti*, et Io. Mabillonius, *de re diplomat.* e Petri Mauricii, Venerabilis Abbatis Cluniacensis (qui anno 1157 mortuus est,) *tractatu contra Iudaeos*, repetierunt: ubi is memorat, libros suo tempore lectos, qui ex *rasuris veterum pannorum compacti* erant. Quia vero non satis liquet, utrum Petrus Venerabilis pannos xylinos bombycinosque, an iam lineos, intellexerit; (meminit enim *panniculorum bombycinorum* iam Iuuenalis, *Satyr. VI, v. 259*;) dubitari adhuc potest, an omnino chartae linteae praeparandae artificium ad Petri illius venerabilis locum sit referendum? Georgius Paschius, *cap. VII Inuentorum Nou-antiqu.* annotauit, esse quosdam, qui nostrae chartae ex linteolis contritis conficiendae artem, demum A. C. 1510, Basileae inuentam esse asserant. At enimvero, si hi generatim modum praeparandae linteae chartae in-

telle-

tellexerint, haud parum falsi fuerunt. Neque enim solum, quod Paschius monet, hunc errorem iam Bohuslaus Balbinus, in *Miscellan. Historicis regni Bohemiae, cap. 22*, refutauit, eo quod non paucos in charta nostra scriptos codices ante Annum cIo ccc XL Bibliothecae ostendant; sed Mabillonius etiam, *de re diplom. c. VIII*, affirmat, sibi visam esse Ioinuellei Epistolam ad Sanctum Ludovicum in charta nostra vulgari exaratam. Iam vero aliunde constat, Ludouicum Pium, anno cIo ccc LXX, ex vita discessisse. Quid, quod Lambecius, *T. V Biblioth. Vindob. p. 34*, memorat codicem manu exaratum Theologicum Graecum, eumque chartaceum et perantiquum, quem A. C. cIo xcv scriptum esse, ex adiecta librarii nota ostendit. Verum puto, illum codicem esse bombycinum; qualem et Montfauconius refert. Neque enim adhuc animaduerti; Lambecium chartae bombycinae et recentioris lintae discrimen in recensendis codicibus simul annotare solere. Vtunque est, facile largimur, ante saeculum decimum quartum, chartae nostrae vsum in conscribendis codicibus vix inualuisse; neque negamus, artem ipsam huius chartae praeparandae, temporis successu, sua incrementa, aut certe magis expeditas rationes, cepisse. Placet huc transferre, quomodo Angelus Roccha a Camerino, p. 382, in *Bibliotheca Vaticana*, A. C. cIo Io xci Romae euulgata, (qui liber non tam obuius alias esse solet,) chartae recentioris conficiendae modum sua aetate vlitatum descripserit. *Fit charta nostra*, inquit, *ex telis et linteolis in frusta secatis, et in mortario ligneo, interiori tamen atque inferiori parte mortarii ferro cooperta, ferreoque pistillo contritis; quae quidem prius quindecim dierum spatium in aqua marcescunt; deinde dum teruntur, perpulchro sane artificio, lauantur, atque ita, ut fluxibilitate et albedine lacteum repraesentent colorem. Postquam vero huius generis massa quatuor ac viginti horarum intervallo contrita in materiam subtilem ac fluidam redacta est, illa eadem super forma, siue, ut aiunt, modulo filis aeneis secundum latitudinem, longitudinem et profunditatem folii, quod faciendum curatur, confecto, extenditur, deinde ipsum char-*

*tae folium ad aerem exsiccat, Vbi vero exsiccatum est, in aquam, in qua excotta sunt pellium bouillarum residua, siue nervi, immittitur, et statim inde, ex aqua scilicet illa, b. e. glutino, extrahitur, et ad aerem iterum exsiccat, exsiccatumque super tabula lapidea, frusto marmoris fricatur et expolitur.* Conferatur cum hac descriptione conficiendae recentioris chartae, ea, quam Franc. Mar. Grapaldus, in *Onomastico suo*, L. II, c. 8, exposuit, quae in non nullis ab antecedente recedit. Vtrum vbiq; adhuc hodie idem prorsus modus praeparandae chartae lineae retineatur; id quidem necdum satis exploratum habemus. Adire licet etiam *Lexicon* recens Germanicum, anno 1712 Lipsiae euulgatum, in quo, vti aliarum rerum naturalium et arte factarum vocabula explicantur, ita nec pauca, quae ad chartam nostram praeparandam pertinent, afferuntur.

XI. Sed neque illud praetermittendum est, reperiri aliquando codices ex varia materia, et potissimum ex membranis, et ex charta Aegyptiaca, vel corticea, vel etiam recentiori simul compactos. Cuius generis codices duos potissimum superstites commemorat Mabillonius, *L. I de re diplom. c. VIII*. Alter extitit in Petauii, Senatoris Parisiensis, Bibliotheca; qui varios Augustini sermones complectens nouem quaternionibus constare, et ita compactus esse dicitur, vt papyraceis plagulis membranae sint intermistae, ita, vt primus quaternio intra bina, vt aiunt, folia membranae contineat vnum papyraceum; secundus quinque papyracea; tertius quatuor intra duo folia itidem membranae; quartus septem papyracea, geminis membranaceis inclusa, et sic in reliquis. Taceo nunc alterum eiusdem fere conditionis codicem a Mabillonio ibidem descriptum. Sed et memini, a Nesselio aliquoties annotari, etiam in Augustissima Bibliotheca Vindobonensi codices partim ex membrana, partim ex charta, compactos, reperiri; vti videre licet, in *Catal. Part. IV, n. CCLXXXVI; Part. V, n. XL, et alibi*. Monet vero Mabillonius, de altero codice, ex commistis chartis membranisque constructo, id obseruasse Petrum Buiffonium, corticis scripturam longe sanio- rem esse mem-

membranea; hincque putat, hanc rationem impulisse. non nullos, vt ad scripturae firmitatem membranis cortices praetulerint; sed corticibus conseruandis ac sustentandis supposuerint membranas.

XII. Singulae partes, ex quibus constabat codex, cuiuscunque materiae, dicebantur plerumque *tabulae*, vel *tabellae*; quae alias etiam dicuntur *folia*. Hinc Martialis, *L. XIV, Epigr. 192*, de Ouidii Metamorphosi in membranis, h. e. in codice membraneo, scripsit:

*Haece tibi, multiplici, quae structa est massa, tabella,*

*Carmina Nasonis quinque decemque gerit.*

Ac idem Poeta *primum tabellam* vocat, quod alias vulgo dicitur *primum folium*, dum de Virgilio in membraneo codice scribit, *L. XIV, Epigr. 136*:

*Quam brevis immensum cepit Membrana Maronem!*

*Ipsius vultus prima tabella gerit.*

Hinc non solum pugillares, sed etiam ipsi integri codices ex variis tabellis compacti, *tabulae* vocabantur. Ergo et Cicero, in oratione pro *Q. Roscio*, et alibi, quem librum *codicem accepti et expensi* dixerat, eundem et *tabulas accepti et expensi* appellauit.

Neceffe vero erat, vt, ad nostrorum codicum exemplum, aliquam *τετραγώνου*, seu quadratae figurae, speciem haberent. Vnde *Veteres Glossae verborum iuris*, quas Carol. Labbaeus euulgauit, monent, testamentum cuiuscunque materiae inscriptum, si sit quadrata forma, appellari *tabulam*.

ἵστέον, ὅτι τὸ μὲν ἐν γράμματι τετραγώνου ἐξ ὁίας διήκοντος συνωλεσμένον καὶ διχομένον τὴν διαθήκην, ταβύλλα λέγεται: τὰ δὲ ἐξελήματα χάρις, αὐτὸ τὸ τοῦ χάριτος καλεῖται.

Illa codicum tabulae, siue *folia*, Graece dicebantur *πύχαι*, vt in Euripidis *Iphigenia*, v. 98. et 760, legimus: ἐν δὲ ταῖς πύχαῖς γράφειν. Item *πύχια*, et *πύχες*, ἀπὸ τοῦ πύσσειν, a *plicando*, quia ex membranarum chartarumque complicatione codicum tabulae plerumque existunt; haud secus ac *πύχες* etiam in scutis dicuntur coria alia super alia complicata.

Inde, vt suo tempore ostendemus, *διπύχοι*, *τετράπυχοι*, *πολύπυχοι*, pugillares dicebantur, qui ex duabus, vel tribus, vel pluribus tabellis,



constabant. Sed et illa ipsa nomina, πύχες, πυκνίδες, πύχια, haud secus ac *tabularum* nomen Latinum, σιωποδοχικῶς aliquando de ipsis compactis codicibus dicebantur. Illae autem ipsae tabulae, siue *folia* codicum, ab Atticis quoque dicebantur θύραι, aut θυρίδες, quasi *ianuae*; quia tabellae e dorso libri, ceu ianuae e cardinibus, suspendi solebant. Hoc testatur Hesychius: θυρίδας Ἀτικοὶ τὰς τῶν γεγραμμάτων πύχας λέγουσι. Vnde γεγραμμάτων διθύρον idem erat, ac διπύχον, h. e. *libellus constans duabus tabellis*. Non tamen dixere τριθύρον, et sic porro; cum tamen dicerent τριπύχον, πολύπύχον, h. e. *libellus constans tribus aut pluribus tabellis*. Hoc testatur Pollux, *L. IV, c. 2*; quem ipsum adire licet. De nomine autem θυρίδων et διθύρων plura afferuntur in *T. IX Bibliothecae selectae a Io. Clerico Gallice scriptae*, p. 187. Istaе codicum tabulae Graecis medii aevi dicuntur saepius φύλλα, vti nobis Germanis *die Blätter*. Imo et Isidorus Hispalensis Latine dixit *folia*, *Libro VI orig. c. XIII*: FOLIA, inquit, *librorum appellata, siue ex similitudine foliorum arborum; seu, quia ex foliis fiunt, id est, ex pellibus, quae de occisis pecudibus detrahi solent; cuius partes dicuntur PAGINAE; eo quod sibi inuicem compingantur*. Nimirum quaeuis *tabella* duas habebat *paginas*, aduersam et auersam; ita, vt exempli causa libellus διθύρον, siue διπύχον, constans duabus tabulis, siue foliis, referret quatuor *paginas*. In tabellis ceratis aliquando istae *paginae* absolute appellatae sunt *cerae*. Vnde *prima cera, altera cera, ultima cera*; dicebantur, prima, secunda, ultima *pagina* tabularum ceratarum. Numerarunt autem antiqui, atque aliquando, prout nos solemus, fortasse numeris designarunt, *paginas* codicillorum codicumque. Hinc Plinius, *Libr. IV, Epistol. XI*: Ego, inquit, *non paginas tantum, sed etiam versus syllabasque numerabo*. Libri acceptorum et expensorum ordinarie *codices* ex tabellis compacti fuere: at de his scribit Martialis, *L. VIII, Epigr. 44*: *Centum explicentur paginae Calendarum*. Idem iam alibi ex antiqua inscriptione, quam Pignorius, in *Symbolis epistolicis*, affert, annotauimus, vbi haec legebantur:

COMMENTARIUM. COTTIDIANVM. MVNICIPI. CAERTIVM. INDE. PAGINA. XXVII. KAPITE. VII. Graeci paginas proprie appellarunt *σελίδας*. Sic in *Antholog. Gr. L. III. c. 26, Epigr. 74*, legimus : *Μνήμα σὸν, ὃ Διόδωρὸς παρασκευάσθ' ἐν τῷ μύθῳ· δὲ καὶ βιβλιακῶν μυριάσι σελίδων* h. e. *Monumentum tuum, o Diodore, reuera neque in tumulto est, sed in librorum mille paginis.*

XIII. A paginis et tabulis differebant *duerniones*, *terniones*, *quaterniones*, *quinterniones*, siue *duerni*, *termi*, *quaterni*, et cetera. Quae nomina potissimum medio aevo vsurpari coeperunt; sed et post inuentam Typographiam saepius in libris, typorum subsidio exscriptis, annotata leguntur. Nimirum tabulae, ex quibus componebantur codices, non semper erant singulae, neque sigillatim consuebantur, ac connectebantur; nisi vbi illud in codicibus aeneis, eboreis, ligneisque fieri necesse fuit; sed in membranaceis chartaceisque codicibus, propter firmitatem maiorem, plures chartae membranaeue, et aliquando quidem binae, vel ternae, vel quaternae, aut amplius, prius sibi inuicem inferebantur, ac sic confertae, vbi opus erat ad aperiendum, dissecabantur, et demum consuebantur, compingebanturque. Frequentius commemorantur *quaterniones*. Ego existimarem, sic olim dictas fuisse binas tabellas duplicatas, sibi inuicem insertas, quae ad modum nostrarum plagularum, si quando in ordinem quartum compaginantur, quatuor tabellas, siue *folia*, & octo paginas, exhibuerint; adeoque quaterniones non fuisse, nisi quatuor folia simul iuncta (*ein Hafft von vier Blättern.*) Atque ita etiam Carolo Fresneo, in *Glossario Graeco*, *τετρας*, *τετραδιον*, *τετραδιονιον*, *quaternio*, dieuntur *quaterni folia simul iuncta*. Constat enim nomen *τετραδων*, et *τετραδιων*, non solum singulis tabellis codicum, aut etiam ipsis integris codicibus, datum fuisse; (prout et integri libri posteriori aevo *quaterniones* dicti sunt,) sed etiam de confertis pluribus foliis vsurpatum esse. Huc pertinet locus ex Nili Monachi *libro de octo vitiis*, in citato Glossario allatus, vbi ille desiderem lectorem descripsit, qui paullulum le-

D 2

gat,



gat, et saepe respiciat reuoluatque finem libri, ac *folia*, quae legenda ressent, numeret, et *quaterniones* quasi ad calculum vocet. Πάλιν, inquit, ἀνατρέψας ἀνέγνω μικροί, καὶ ἀναπύσων, τὰ τέλη τῶν λόγων περὶεργάζεσθαι, ἀεὶ μὲν τὰ φύλλα, καὶ τετραδάς Τριψήφια. Sed deprehendo, a Montfauconio, et aliis quibusdam, eam rem paullo aliter explicari. Illi enim, in *Palaeographia Graeca*, L. I, c. 4, *Quaterniones librorum* dicuntur constare quatuor foliis duplicatis, ac sibi inuicem insertis; quae adeo octo folia sexdecimque paginas efficiant. Vtunque est, in scriptoribus medii aevi crebrior fit mentio *quaternionum*, quae partes erant, ex quibus compingebantur codices. Argumento inter alia est locus, quem Carolus Frésneus, in Glossario Lat. ex Gregorio Turonienſi attulit: *Transmittimus librum canonum, in quo erat quaternio nouus annexus, habens canones quasi Apostolicos.* Io. Tzetzes, *Chiliad*, IX, v. 284, seqq. commemorat, se ἐξηγήσῃ Homeri, Augustae iussu, scripturum, primum perscripsisse *τετραδίσκια τῶν μικροτέρων, minimos quaterniones*, vno quoque non amplius capiente, quam octo et octuaginta versus cum margine; et pro singulis accepisse *duodecim aurcos ex albo auro*; deinde vero ab administro Augustae monitum in *quaternionibus maximis* scripsisse. Ita nimirum iam tum viri docti operam suam in libris scribendis addixisse aliis videntur, vt pro singulis *quaternionibus* certam pecuniae summam acciperent; vti hodie aliquando Bibliopolae quibusdam scriptoribus, pro plagularum numero, certum pretium constituunt. Dantur porro etiam exempla *ternionum*, et *quinquennionum*. Mabillonius, *de re diplom.* L. I, c. 8, describit codicem quendam, Augustini non nullos tractatus complectentem, eumque ait adhuc constare septem *quinquennionibus*; quemlibet quinquennionem continere vnum folium membraneum, et quatuor papyraceos, seu corticeos, membraneo inclusos; habere vero omnino tria et sexaginta folia; quindecim videlicet membranea; corticea vero quadraginta et octo. Montfauconius, l. c. memorat, *terniones* quoque non nunquam in codicibus Graecis obseruari, et in Chronico quodam Bibliothecae Regiae,

*ternio-*

*terniones* et *quaterniones*, *teja* et *rireja* vocari: in quibusdam autem codicibus eosdem quaterniones literis numeralibus annotari; unde intelligi queat, quot quaterniones, imo et folia, in mutilis codicibus deficiant. Eadem ratione aliquandiu ab initio Typographiae inuentae, non solum codicum chartae et membranae, in *duerniones*, aut *terniones*, aut *quaterniones*, aut *quinterniones*, uti et hodie, distruebantur; sed etiam horum numeri, in calce libri, plerumque indicabantur. Ita, exempli causa, Lud. Caelii Rhodigini Lectionibus antiquis in Aedibus Aldi anno cIo Io xvi in forma maiori excusis, in fine libri, haec verba adiecta leguntur: *Omnes sunt quaterniones, praeter DD et FF duerniones, et B quinternionem.* Complectitur vero in isto libro quivis *quaternio* octo folia; *duernio*, quatuor; et *quinternio*, decem. Neque alia ratio fuit librorum minoris formae. Sic enim, exempli causa, in Orthographia ab Aldo Manutio edita, singuli *quaterniones* octo folia, et haec sexdecim paginas exhibent. Sed mitto haec, quae vulgaria sunt, quanquam non prorsus ab hoc argumento aliena.

XIIII. Ista tabulae, siue *folia* Codicum, ex utraque pagina perscribebantur, secus ac in voluminibus perscribendis fieri consueverat. Haec enim ordinarie non erant *opisthographa*; h. e. haud utrinque, et a facie et a tergo, describebantur; unde et facile in magnam molem excrescebant; prout iam alibi demonstraui. Codices contra, quorum tabellae, siue *folia*, ex utraque parte scribebantur; si quidem succincte compingentur, amplissima saepe ingeniorum opera capiebant, quibus capiendis vix plura volumina suffecissent. Hac ratione quoddam Martialis epigramma recte interpretatus est Salmasius, in *Commentar. ad Vopiscum, in vita Firmi*. Poeta enim de *Liui* in *membranis* scripsit:

*Pellibus exiguis arctatur Liuius ingens,  
Quem mea vix totum Bibliotheca capit.*

Innuere enim voluit Martialis, Liuii historiam in tabulis membranaceis perscriptam in exiguo Bibliothecae spatio arctari posse; quam

quam in chartae voluminibus scriptam vix tota sua Bibliotheca, siue librorum scrinium, caperet. Conferatur H. Vossius, in *Comment. ad Catullum*, p. 3. Quamuis vero tabulae codicum ex utraque parte, in aduersa pariter atque auersa pagina, perscriberentur; non tamen id in omnibus pari ratione obseruatum animaduertitur. Ordinarium et vulgare est, vt adhuc hodie in codicibus per latitudinem cuiusuis tabellae, a sinistra dextrorsum scribatur, adeo, vt vulgo versus quiuis (qui hodie vulgo dicitur *linea*,) a sinistra ora paginae coeptus, in dextra eius ora desinat, nisi quod circumcirca margo quidam vacuus relinquatur, quod et antiquis solenne fuisse, antehac ostendimus; vel scriptura in latiore charta in columnas, siue areas quasdam, diuidatur. Idem obseruatur in antiquissimis Codicibus Graecis Latinisque. In multis singuli versus per totam paginae latitudinem extenduntur. In quibusdam paginae in duas columnas diuiduntur: neque id solum, quando aliquis codex duabus diuersis linguis exaratus est; quemadmodum Nesselius, in *Parte I Catalogi Biblioth. Vindob. n. CXXXVII*, describit Codicem manu scriptum Theologicum, membranaceum, eumque antiquissimum, qui Dialogos Gregorii Magni continet; cuius vnaquaeque pagina diuisa est in duas columnas; quarum prima, siue dextera, memoratorum Dialogorum translationem Graecam a Zacharia Papa compositam; altera autem columna, siue sinistra, ipsum Gregorii Magni textum Latinum, antiquis et lectu difficillimis literis Gothicis, siue Toletanis, exaratum complectitur. Sed etiam codices vetusti vna tantum lingua perscripti duas saepe referunt columnas. Ita eidem Nesselio, *Part. V Catal. Biblioth. Vindob. n. VI*, memoratur Codex manu scriptus Historicus Graecus, isque membranaceus et peruetustus, in forma maiore, ac magna ex parte aureis literis magnificentissime atque elegantissime exaratus, et *Magni Menologii Graecorum Mensem octobrem* complexus, cuius itidem singulae paginae in binas columnas diuisae dicuntur. Taceo longe plures huius generis codices passim annotatos. Montfauconius, in *Palaeogr. Gr. L. I, c. 4*, obseruat,

obseruat, in paucissimis codicibus *triplicem columnam* inueniri; ut in antiquissimo codice Ambrosiano, partem Bibliorum complectente; de quo Auctor egit, in *Diario suo Italico*, p. 11. Sine dubio etiam Io. Tzetzès, *Chilind. IX, v. 291*, in sequentibus verbis significare voluit, se in magno quodam quaternione singulas paginas *per ternas columnas* scripsisse:

Λαβαὶ δὲ ἡ τετραδίων μέγιστον ἐγγράφει  
 Τετραγισμοῖς ἐν σιχισμοῖς.

Alio vero tempore comprobabimus, Graecos eam scribendi rationem, quae, uti in hac charta, complet totam paginam, ita, ut singuli versus per totam quadratae paginae latitudinem, excepto margine, extensi, quadratum agmen vel laterem repraesentent, dixisse *γραφῇ σπαρῆδον καὶ πλανθῆδον ἀριθμίζουμένη*; paginas vero duarum triumue columnarum vocasse *διπάγια καὶ τετράγια*. Praetereo nunc alias scripturae formas, quas iam alibi ex parte commemoravi. Illud singulare est, quod Theodosius, teste Nicephoro, *L. XIV, c. 3*, pulcherrime scripta habuit Euangèlia, eaque aureis literis distincta, quorum paginae *crucis formam* retulerunt. Neque vero puto, ipsas paginas membranaceas, quam potius versus in paginis scriptos, crucis formam repraesentasse; quale quid in Optatiani Porphyrii Pannegyrico, quem is Constantino Augusto dedicauit, obseruare licet. At illud adhuc paucis memorare liceat, veteres aliquando, imprimis in minoribus libris, codicillisque, etiam transuersis versibus animi sui sensa scripsisse; uti Gruterus et Vrsatus in aereis illis tabellis Pinellianis, quas supra descripsi, obseruauerunt. Neque de alio, nisi hoc scribendi modo, commode intelligere licet versiculos sequentes, quos a Baldrico Burgulienſi quondam in codicillos suos compositos, Mabillonius affert, in *Supplement. de re Diplomat. c. XI*.

*In latum versus vix octo pagina vestra;*

*In longum vero vix capit hexametrum.*

*Atamen in vobis pariter sunt octo tabellae;*

*Quae dant bis geminas paginulasque decem.*

*Cera namque carent altrinsecus exteriores;*

*Sic faciunt octo quattuor atque decem.*

*Sic bis sex capiunt, capiunt et carmina centum;*

*Id quoque multiplices paginulae faciunt.*

Ceterum, fieri potuit, ut veteres aliquando scriberent in membranarum chartisque, antequam eae confutae conglutinataeque essent; aliquando vero in codicibus iam confutis, compactisque. Illud ostendere videntur verba Vlpiani, *L. 52, §. 5 Digest. de Legatis*, 3. Sed et in codicibus iam compactis scripsisse veteres, argumento sunt haud paucae imagines vetustae. Ita videmus, apud Nesselium, in *Catalog. Bibl. Vindob. P. IV*, p. 38; antiquam imaginem Aristotelis; apud Montfauconium, in *Palaeogr. Gr. L. I, c. 3*, imaginem Dionysii Halicarnassensis; et inprimis apud Lambecium, *L. II Bibl. Vind. c. 7, p. 586*, imaginem Dioscoridis; quae omnes habitum scribentium in codicibus iam compactis referunt. Dioscoridis icon, quam, *Tab. III, fig. 7*, aeri incisam exhibemus, reperitur in venerandae antiquitatis Codice Graeco, qui in Augustissima Bibliotheca Vindobonensi extat, ante annos mille ducentos literis in membrana exaratus, elegantibusque picturis ornatus. Ex qua Dioscoridis imagine simul veterum scribendi modum super genua animaduvertere licet, de quo iam in altera Disputatione egimus, et cuius, praeter alios, etiam ipse Homerus mentionem fecit, qui ab initio *Batrachom. v. 3*, ita scribit:

Ἦν (αἰοιδῆν) νέοι ἐν δέλτοις ἐμοῖς ἐπὶ γένεσσιν ὄρεα,

h. e. *Quod carmen nuper in tabulis meis super genua posui.*

A quo more scribendi dicebantur γραμματοκύφωνες, qui summissio propensoque capite codicem supra genu tenentes scribebant, ac a multo scribendi usu velut incuruabantur; quia scribebant ἐγκύμνοι, *incumbentes*: uti Hippocrates de Democrito in Epistola ad Demagetum scribit. Vnde per contumeliam non tantum Aeschines a Demosthene, in *Oratione pro Ctesiphonte*; sed et generatim scribae humiles, aliquando sic appellabantur, uti Hermogenis interpres ait: γραμματοκύφων οἰοῦντο εἶναι. Conf. Henr. Stephanus, in *Thes. Gr. Ling.* et Guil. Budaeus, in *comment. Gr. Ling.*

XV. Venimus ad describendam codicum veterum magnitudinem. Haec non fuit vnus moduli; sed plerumque rationi materiae, quae scribenda erat, accommodata. Isidorus Hispalensis, *Origin. L. VI, c. 13*: *Quaedam, inquit, nomina librorum apud gentiles certis modulis conscriebantur: breuiore forma, carmina atque epistolae; at vero historiae maiore modulo scribebantur.* Habuerunt ergo et paruos codices, quos etiam inde *codicillos* vocarunt; habuerunt mediocres; ita supra, n. XIII, ex Mabillonio descripsimus codicem ex corticeis membranceisq; tabellis compositum, cuius singulae tabellae in altum pollicibus xv i, in latum x, fuerunt. Habuerunt etiam *codices grandes*, quorum iam supra mentionem fecimus. Neque exiguae molis librum innuit Poeta, Iuuenalis, dum Historiarum scriptores, *Satyr. VII, v. 98, seqq.* ita alloquitur:

*Vester porro labor foecundior, historiarum  
Scriptores: petitur plus temporis, atque olei plus;  
Namque oblita modi millesima pagina surgit  
Omnibus, et crescit multa damnosa papyro:  
Sic ingens rerum numerus iubet, atque operum lex.*

Haud sane dubium est, magnae quoque molis fuisse *laterculum maius*, cuius figuram, *Tab. II, n. 2*, ex *Notitia dignitatum utriusque imperii, cum commentar. Guid. Pancirolli, p. 61 et 146*, itemque ex *VVolfg. Lazii Commentar. Reipubl. Rom. L. II, c. 4*, exhibemus. Dicebatur quippe *laterculum maius* codex maior (erat enim praeterea *laterculum minus* eiusdem fere generis codex) in quem omnes, qui dignitates tam ciuiles, quam militares, administrabant, eorumque insignia et stipendia, itemque acta et mandata Principum, perscribebantur; vnde et alias vocabatur *commentarium Principis*. Qui codex curae Primicerii notariorum erat commissus; a quo pariter ac eius scribis, qui honoris causa *Tribuni notarii* dicti sunt, tractabatur; vnde et isti notarii ab hoc codice *laterculenses* appellati putantur. Ipse vero codex iste, quod ex Tertulliano probatur, iam Antoninorum Imperatorum aetate nomen *laterculi* habuit; haud equidem a la-



tendo, quod Lazius putauit; quia in eo codice *latuerint* arcana Principum; sed potius, quod iam Pancirollus auctoritate Cedreni adductus recte animaduertit, *a latere*; i. e. lapide cocto, et in aliquam formam quadratam parato. *Later* vero, tradente Isidoro, *L. XIX, c. 10*, *a lasa forma* dicitur. Cui *πλινθος* et *πλινθίον* respondet. Quia ergo hic codex ex quadratis tabulis constabat, et quandam *quadrati lateris* figuram referebat; καὶ ἐξοχλῶ appellabatur *lateralium*; (vti nobis diuinus codex *βιβλία* audit,) cum alioquin omnes codices quadrati a forma sua potuissent *πλινθίον*, siue *latercula* appellari. De forma vero et magnitudine codicum illud adhuc est obseruandum, viros eruditos inter externa antiquitatis codicum cognoscendae indicia habere solere, si codices ad amissam quadratam formam habeant, ita, vt longitudo latitudinem non facile excedat. Ac forte huc etiam sua aetate respexit Alcuinus, qui, *Poemate VII*, scripsit:

*Plurima hic Praesul patrauit signa stupendus;*

*Quae nunc in chartis scribuntur rite quadratis.*

Cuiusmodi quadra figura aiunt fere vetustissimos quosque esse codices, qui adhuc supersunt. Huc pertinet Virgilius, maiusculis literis scriptus in *quarto quadrato*, teste Luca Holsteinio, omnium codicum Mediceae Bibliothecae antiquissimus, mille ducentorum annorum, circa Valentis aut Theodosii tempora scriptus. In quo catalogo codicum rarissimorum Bibliothecae Mediceae, (quem v. CL. Mich. Lienthalius inter Selecta sua Historica et literaria euulgauit,) etiam Liuii, Taciti, aliorumque antiquissimi codices in *quarto quadrato*, vt aiunt, memorantur. Talis etiam est vetustissimus *codex Dioscoridani*, antea a nobis laudatus; quem Lambecius eius magnitudinis esse dicit, quae vocatur *in folio*; sed forma fere quadrata, *ccccxci folia*, siue tabulas, comprehendens. Sic et Montfauconius, *l. c. p. 187*, refert, codicem Colbertinum, qui particulas quasdam Graecas Script. S. continet, et quo ille nullam alium codicem, ex iis, qui supersint, vetustiorē esse opinatur, esse forma penitus quadra. Neque tamen illud adeo perpetuum est, quin aliquantum ab illa

accura-

accuratiore forma quadrata non nunquam recefferint vetusti codices. Ita idem Lambecius, *T. II Bibl. Vind. p. 799*, scribit, codicem membranaceum Latinum, qui quendam Rufini commentarium continet, esse in *quarto oblongo*, ante mille ducentos annos literis maiusculis, et absque singularum vocum distinctione exaratus. Ac saepius laudatus Montfauconius, *L. III Palaeogr. Gr. c. V*, scribit, inter praestantissimos codices iure numerandum esse illum Iesuitarum Collegii Ludouici Magni codicem, qui *Gracas vitas et Epitomas Prophetarum* complectatur; hunc vero in tenuissimis et ex parte pellucidis membranis, saeculo circiter in eunte octauo, scriptum, forma esse non vulgari; propterea quod, cum caeteri eiusdem circiter aetatis, aut quadri prorsus sint, aut latitudinem longitudine parum excedant; hic vero sic *oblongus* existat, ut eius superficies duo pene quadra complectatur.

XVI. Multa nunc praeterimus, quae ad internum codicum ornatum pertinuerunt, ne ea hoc loco repetere necesse habeamus, quae iam antehac de ornamentis librorum veterum generatim sunt exposita. Potius de constructione et compactione codicum non nihil nobis nunc differendum est. Si nimirum membranae, vel aliae ad scribendum aptae materiae, in tabularum formam, aut in *reseda*, fuere distributae; tum et consui compingique consueuerunt. Montfauconius, *L. I Palaeogr. Gr. c. IV, p. 26*, de compactura codicum Graecorum haec breuiter tradit. *Libros*, inquit, *Graeci a multis retro saeculis ad hodiernum pene modum compingebant; distributa in terniones, vel quaterniones, folia assuebant; pelle vitulina, siue alia plerumque densiore totum operiebant; partem supernam et infernam, qua latior liber est, tabella lignea corio agglutinata muniebant, quo firmitus consisterent: plerumque, pelliceae tunicae loco, sericis librum operiebant.* Haud diuersa codicum construendorum ratio Romanis usitata fuisse videtur. Vlpianus, *l. 52, §. 5, n. de Legatis, III*, ubi agit de libris perscriptis, meminit etiam *membranarum nondum consutarum*. Ergo *consuebantur* codices vinculis filisque quorumvis materiae connectendae aptioribus. De plumbeo libello



supra, n. V, intelleximus, eius tabellis a tergo haerere annulum plumbeum, et per hunc annulum virgulam plumbeam inferi, quae retineat tabellas, ne dimoueantur. At eboreorum ceratorumque codicum ac codicillorum tabellas deprehendimus aliquando *taeniolis membranis* coniunctas fuisse. Sic Alexander V Vilthemi-  
mius, in *Append. ad Diptychon Leodiense*, p. 16 et 17, vetustum *pentaptychon eboreum* describit, ubi apparuere *trium taeniarum membranearum*, quibus tabellae sibi quondam haesere, vestigia. Dimitterem has minutias, nisi ex Vlpiano paucis monendum videretur, veteres etiam libros suos, postquam eos iam perscripserant, malleo percussisse atque complanasse. Is enim, *L. 52, § 5, Digest. de Legatis, III*: *Non male*, inquit, *quaeritur, si libri legati sint, an non contineantur nec dum perscripi?* Et non puto contineri; non magis, quam vestis appellatione nondum detexta continetur. Sed perscripti libri nondum malleati, vel ornati, continebuntur; proinde et nondum conglutinati, vel emendati, continebuntur. Hinc simul intelligimus, etiam glutino munitos fuisse libros, ut firmitus aptiusque cohaerent. Glutini usum in libris tractandis veteribus cognitum fuisse, etiam argumento est, quod Cicero, *L. XVI, Epist. 6*, ad Atticum scripsit. *Nouum*, inquit, *prooemium exaravi, et tibi misi. Tu illud desecabis, et hoc agglutinabis.* Itaque folia, quibus ea, quae deinceps minus probabant, antea inscripserant, dissecabant aliquando, aliaque agglutinabant. Ut vero quodammodo appareat, quomodo vetustissimi hominum, qui, teste Plinio, *L. XIII, c. XI*, in *foliis stirpium* scriptitasse dicuntur, etiam ista folia ad instar codicis coniungere potuerint; hic ea conferri possunt, quae Hieron. Orosius, *L. II de rebus Emanuelis, Lusit. Reg.* de Indorum scribendi ratione, et de ipsorum foliorum apta colligatione, prodidit.

XVII. Quod ad externum habitum ornatumque codicum attinet; istiusmodi consutis conglutinatisque tabulis, siue foliis, aliquando in vulgari usu, fere ad modum vulgarium pugillarium, integumenti loco, non aliae tabulae, nisi eiusdem materiae, ex qua totus constabat codex, extrinsecus additae fuerunt,

in quibus tamen ordinarie non scribebatur. Hoc simplici modo constructi codices peruetusti hinc inde adhuc in Bibliothecis eximii reperiuntur; nisi, quod tabulae illae externae aliquando etiam ex fragmentis aliorum codicum membranaceorum, eorumque multo vetustiorum, et antehac perscriptorum, fuerunt assumtae: in cuiusmodi tabulis deinceps curiosi homines identidem, meliores etiam res olim consignatas fuisse, quam in ipsis, quibus postea adiectae sunt, codicibus, deprehenderunt. Hesychius auctor est, Graecis librorum operimentum dictum esse *φέλλας*. *φέλλας*, inquit, τὸ τῶν βιβλίων ἔξωθεν σκέπασμα, h. e. *externum librorum munimentum*, seu *operimentum*. Suidas eadem habet; sed in Basiliensi editione, quae mihi praesto est, legitur *φέλλας*. Alioqui *φέλλας* proprie dicitur *suber*, aut generatim arboris *cortex*. Quanquam non nulli putent, ex hac voce Graeca etiam Latinorum *pellem* descendere. Ligna codicum operimenta non sunt recentia. Allatius, in *Animaduersione ad mon. Etrusc.* ex Matthaei Parisiensis libro de gestis Abbatum S. Albani obseruauit, aliquando in medio ciuitatis antiquae Verolamii, in diruendis palatii cuiusdam fundamentis, iuuentum esse codicem vetustae formae vetustarumque literarum, quarum epigrammata et tituli aureis literis fulserint redimiti; *asseret quernos*, ligamina serica, pristinum decorem in magna parte retinuisse. Aliquando nimirum codices etiam splendoris et magnificentiae causa, construebantur, eorumque tabulae extimae cum primis variis modis ornabantur. Si enim iam ab antiquis volumina tam egregie ornata fuisse cognoscimus; cur non similem operam mox in codicibus ornandis positam fuisse, credamus? Magnificis ornamentis exsplendescabant inprimis ii libri, qui in vsum Principum parabantur; aut qui, Christianorum tempore, Euangelia et diuina oracula capiebant. Adeat, qui volet, *Notitiam dignitatum vtriusque Imperii*, a Pancirollo commentariis illustratam, quae, huius commentatoris iudicio, sub principatu Theodosii iunioris primum scripta est; vnde et nos, *Tab. I figuras* 1, 2 et 3, exhibuimus; ibi enim passim annotatum legimus, in insignibus antiquis magi-

stratum Romanorum, qui sub Imperatoribus fuerunt, saepius codices conspici, pro cuiusvis dignitate, modo corio rubro et Tuteo, modo corio viridi, modo purpura, modo argento, modo auro, tectos; itemque saepe fasciis aureis cinctos, et aureis virgulis in rhombum aliisque figuris, exornatos; imo et Principum imaginibus mediae tabulae externae insculptis exsplendescentes. De quarum imaginum veritate et antiquitate Pancirollus, in commentariis suis, eorumque praefatione, ipse testatur. Neque putemus, talia tantum in insignibus fieri: etiam vetustissimus codex Dioscoridanus Bibliothecae Vindobonensis, iam supra a nobis laudatus, testis est; in cuius sexto folio, prout apud Lambecium, *T. II, p. 571*, videre est, repraesentatur foemina diademate regio, vestituque Imperatricis Constantinopolitanae, quam Lambecius ex adiecto nomine *Iulianae*, ostendit esse Iulianam Aniciam, quae in principio imperii Iustiniani Magni decessisse dicitur. Haec sinistra manu tenet *codicem compactum, eumque rhomboide exornatum*. Quid nō et aliae figurae imaginesque iam tum in externis codicum tabulis effingi potuerunt? Compacturam et formam celebratissimi codicis Florentini Pandectarum, (quod ipsum *autographum*, auspiciis Iustiniani congestum, existimatur,) ita descripsit Mabillonius, *T. I Itineris Italici: Pandectarum duos egregios codices cum Magliabeco examinauimus in palatio magni Ducis*. Haec volumina formae sunt prope quadratae, ita, ut altitudo duobus tantum digitis latitudinem superet. Operculum ex ligno villosum sericum rubei coloris, atque emblemata ex argento in medio et in quatuor angulis ornant. Characteres sunt quadrati et mediocris formae; quaelibet pagella in duas diuiditur columnas, quae singulae versus quadraginta quinque continent. Prima singulorum versuum vocabula passim minio sunt descripta. De serico codicum integumento Montfauconius, *p. 18*, affert illud ex Typico Irenes Ducaenae Augustae: *Τρία τυπικά γεγόνασι σωματῖα παρ' ἡμῶν, διὰ βλατίων ἐρδευμένα*. i. e. *Tria typica membranacea blattiis*, (seu pannis sericis, aut purpureis) *operta, a nobis adornata sunt*. Aliquando et ebur-

*neis tabulis* circumdabantur codices. Huc pertinet, quod Carolus Fresneus, sub voce *membrana*, ex antiquo *Chronico Fontanellensi* affert: *Quatuor Evangelia in membrano purpureo ex auro scribere iussit Romana litera; lectionarium etiam in membrano purpureo argenteis scriptum literis, ornatamque tabulis eburneis.* Quia vero mirificum priscis Christianis studium fuit, ut codices sacri in frontibus auro argentoque et gemmis splenderent; hinc notat Alexander VVilthemius, in *App. ad Diptychon Leodiense*, p. 13, eos ad hunc cultum addidisse subinde collecta vndique prisca artificia, hoc est, sculpturas gemmeas, et eboreas, et id genus alia, quae ornatui esse possent; adeoque Romanorum quoque Diptychorum tabulas eburneas affabre sculptas exornandis Codicibus Evangeliorum affixas identidem adhuc reperiri. Aliquot exempla sacrorum Codicum integumento aureo et pretiosis gemmis lapidibusque magnificentissime ornatorum annotavit Thulemarius, de *Aurea bulla*, p. 12 et 13. Conf. Viri Celeb. Io. Andr. Schmidii *Dissertatio de cultu Evangeliorum*, p. 101, *seqq.* Quid multa? Huiusmodi Codices sua aetate mirifice exornatos descripsit Diuus Hieronymus, de *custodia Virginitatis ad Eustochium*: *Insciuntur*, inquit, *membranae colore purpureo; aurum liquefcit in literas, gemmis codices vestiuntur, et nudus ante fores emoritur Christus.* Sunt tamen, qui ornatum diuinorum Codicum non excusent tantum, sed etiam commendent; ut Cassiodorus, *L. de Institut. diuin. Script. c. XXX*, et Rupertus Abbas, *L. III de diu. offic. c. 23*. Vnum adhuc est, quod huic loco adiiciendum putamus: nimirum, habuisse veteres aliquando etiam inuolucra externa, quibus codices iam compactos ornatosque circumdarent, ne quotidiano usu nimis cito detererentur, imprimis codices molis paullo maioris; haud secus, ac volumina vetusta interdum etiam quibusdam tegumentis, ceu stolis, vestita et inuoluta fuisse, ostendimus. Huiusmodi inuolucrum haud incommode etiam *φελίης* dici potuit; aut itidem *σιτύβη*; quia Hesychio *σιτύβη* generatim dicuntur *δεμαίναι φελαί*. Medio aeuo vocabantur ista inuolucra *camisiae librorum*,

item et *manutergia*, uti in Caroli Fresnei *Glossario Latino* videre licet. Huiusmodi externo, eoque pelliceo involucro, per cuius foramina traduci potuerunt lora, obductum exhibetur *Lateralculum maius*, quod supra, n. XV, descriptum, et cuius formam, *Tab. I, fig. 2*, aeri incidendam curauimus.

XVIII. Vtrum iam antiquiores etiam certis *lamellis* et *ἰλδομασι*, item et *bullis ex orichalco euproque*, externas codicum tabulas munierint, ornarintque; haud satis certum est: successu tamen temporis, ad perennitatem, his uelut munimentis adornarunt libros suos; sicuti splendoris ergo eos auro argentoque obduxerunt. Tale quid iam ostendunt vetustorum codicum imagines; quales sunt imprimis icones Euangelistarum, codices signis huiusmodi notatos ferentium; quas ex perantiquis membraneis libris Bibliothecae Vindobonensis protulit Nesselius, *P. I, n. 154, et 239*. Similes bullae, aut certe gemmae eminentes, conspiciuntur etiam in eo codice, quem Pancirollus, *in comment. ad Notitiam dign. utriusque imperii*, p. 62, testatur fuisse in insignibus Magistri scriniorum; cuius figuram exinde, *Tab. I, n. 3*, exhibuimus. LORVM certe, quo constringi potuit codex, in eadem figura satis est conspicuum. Talium lororum iam antiquioribus temporibus fuit usus in codicibus constringendis. Sic Dioscorides scribit in codice, ex quo lorum dependet; cuius imago, *Tab. II, fig. 7*, a nobis exhibita, reperitur in vetustissimo codice membranaceo ante mille et ducentos circiter annos scripto, testibus viris illustribus Lambecio et Nesselio, *in Catalog. Biblioth. Vindob.* Ac, si iam Catullus, *Epigr. XXII*, commemorat LORA RVBRA, quibus quondam constrinxere volumina; cur non putemus, pro librariorum, aut possessorum, lubitū, eorum quoque ligamentorum, quibus codices constringebantur, variam materiam, variumque colorem, esse potuisse? Huiusmodi lora, aut certe aliae partes, quae ad constringendos codices pertinebant, etiam dicebantur OFFENDICES. *Offendices*, inquit Isidorus, in *Glossario*, sunt *nodī, quibus libri signantur*. Ianus Rutgerius, *L. IV Var. Lect. c. 13*, putat,